



<b>Teideal:</b>	<b>Bainisteoir Sinsearach Rialála (Airgeadas)</b>
<b>Fostóir:</b>	<b>An tÚdarás Rialála Comhlachtaí Tithíochta Ceadaithe</b>
<b>Tuarastal:</b>	<b>€60,611 (bunleibhéal) go €78,795</b>
<b>Leibhéal:</b>	<b>Oifigeach Riaracháin (Grád 7)</b>
<b>Áit:</b>	<b>Lár Chathair Bhaile Átha Cliath (Obair Chumaisc)</b>
<b>Dáta deiridh:</b>	<b>12 in ar an 3 Meitheamh 2026</b>

### **CÚLRA ÚRCTC**

Bunaíodh an tÚdarás Rialála Comhlachtaí Tithíochta Ceadaithe (ÚRCTC) i Feabhra 2021 agus tá ról ríthábhachtach aige maidir le rialachas éifeachtach, bainistíocht airgeadais, agus feidhmíocht comhlachtaí deonacha tithíochta agus comharthithíochta uile a chinntiú. Tá an mhaoirseacht sin ar aon dul le hAcht na dTithe (Comhlachtaí Tithíochta Ceadaithe a Rialáil) 2019.

Is é misean ÚRCTC Comhlachtaí Tithíochta Ceadaithe (CTCanna) a rialáil d'fhonn rialachas agus cobhsaíocht airgeadais a threisiú laistigh den earnáil. Baineann tábhacht ar leith leis sin le haghaidh an infheistíocht phoiblí nach beag a chosaint i dtithíocht shóisialta agus inacmhainne a chuirtear ar fáil ag CTCanna. Trí sin a dhéanamh, tá sé mar aidhm ag ÚRCTC athdhearbhú a thabhairt d'infheisteoirí, do thionóntaí, don rialtas, agus d'earnáil na CTCanna féin, agus é ag cinntiú go n-oibríonn soláthraithe tithíochta sóisialta i dtimpeallacht dhea-rialáilte sheasmhach.

### **SONRAÍOCHT PHOIST**

Tá ÚRCTC ar lorg Bainisteoir Sinsearach Rialála a bhfuil taithí airgeadais aige/aici chun bheith ina b(h)all dá fhoireann measúnaithe rialála agus déanfaidh sé comórtas oscailte a réachtáil chun duine a cheapadh don phost sin. Tá an post lonnaithe inár n-oifigí i mBaile Átha Cliath 2. Feidhmíonn ÚRCTC Beartas Oibre Cumaiscthe.

Freagrach don Cheann Clárúcháin & Measúnaithe, mar Bhainisteoir Sinsearach Rialála (Airgeadas), is tusa a dhéanfaidh maoirseacht ar rialachas agus airgeadas agus a dhéanfaidh teagmháil ghníomhach leis na CTCanna is mó sa tír. Is éard a bheidh i gceist leis an ról seo ná bainistiú a dhéanamh ar fhoireann bheag anailísithe airgeadais



chun feidhmíocht airgeadais agus athléimneacht CTCanna faoi mheasúnuithe ar chomhlíonadh na gcaighdeán CTC a luacháil.

Leis an ról seo, tugtar deis d'fhás suntasach do dhaoine aonair ar mian leo a gcuid eolais, scileanna agus saineolais a mhéadú. Cuirtear timpeallacht dhinimiciúil ar fáil leis ina spreagtar foghlaim agus forbairt ghairmiúil leanúnach. Beidh an deis ag daoine dul i ngleic le dúshláin éagsúla, obair a dhéanamh i gcomhar le gairmithe a bhfuil taithí acu, agus cur le tionscadail a mbíonn tionchar acu in earnáil bhunriachtanach.

## **PRÍOMHDHUALGAIS & PRÍOMHFHREAGRACHTAÍ**

Áireofar an méid seo leanas le dualgais agus freagrachtaí an iarratasóra rathúil:

### **Maoirseacht Airgeadais Straitéisí:**

- Anailís a dhéanamh ar na struchtúir airgeadais, sruthanna cistiúcháin, agus neamhchosaintí ar riosca a bhaineann le roinnt de na CTCanna is mó chun ailíniú le ceanglais rialála agus dea-chleachtais a áirithiú.
- Samhlacha airgeadais a fhorbairt chun measúnú a dhéanamh ar phríomhtháscairí feidhmíochta (ETFanna).
- Pleanáil cásanna agus tástálacha struis a chruthú ina shamhlacha airgeadais chun teacht aniar CTCanna a mheas faoi dhálaí eacnamaíocha athraitheacha.
- Comhoibriú le páirtithe leasmhara inmheánacha agus seachtracha chun eolas a roinnt ar CTCanna agus rioscaí a shainaitint.
- Athbhreithnithe doimhne a dhéanamh ar chreatlaí rialachais, beartais airgeadais agus nósanna imeachta CTCanna chun moltaí a thabhairt maidir le feabhsúchán, go háirithe i réimsí amhail maoirseacht boird, tuairisciú airgeadais agus maolú riosca.
- Teagmháil a dhéanamh leis na Boird agus ardbhainistíocht CTCanna chun rialachas airgeadais a threisiú agus tuiscint ar ionchais rialála a fheabhsú.
- Oiliúint agus treoir a sholáthar ar nuashonruithe rialála, cleachtais bainistíochta airgeadais agus ceanglais chomhlíontachta.



- An fhoireann anailísithe airgeadais rialála a bhainistiú agus a fhorbairt.
- Dualgais ar bith eile de réir mar a ordófar ó am go ham.

## CRITÉIR CHÁILITHEACHTA

Ní mór d'iaratasóirí na ceanglais fhíor-riachtanacha seo a leanas a chomhlíonadh sula gceapfar iad:

- Cáilíocht ghairmiúil sa chuntasaiocht (ACCA/ACA/CIMA) agus / nó taithí shuntasach ar anailís airgeadais, iniúchóireacht, rialáil, nó réimse gaolmhar.
- Taithí 5 bliana ar a laghad ag obair i gceann amháin ar a laghad de na réimsí seo a leanas: rialachán, rialachas, iniúchóireacht, cigireacht, airgeadas, imscrúdú, forfheidhmiú, nó comhlíonadh.

## CRITÉIR INMHIANAITHE

- Taithí léirithe ar anailís airgeadais agus measúnú riosca, go hidéalach i dtimpeallacht rialála, iniúchóireachta nó maoirseachta.
- Taithí ar fheidhmíocht airgeadais agus athléimneacht eagraíochtúil a mheas.
- Cumas láidir anailíse, lena n-áirítear an cumas sonraí casta agus faisnéis bhainistíochta a cheistiú chun léargais shoiléire atá bunaithe ar fhianaise a chruthú.
- Scileanna cumarsáide scríofa agus labhartha den scoth, agus an cumas cúrsaí airgeadais casta a dhéanamh amach do pháirtithe leasmhara sinsearach.
- Taithí chruthaithe ar cheannaireacht agus bainistíocht tionscadail, lena n-áirítear foirne a bhainistiú agus tionscnaimh ilréimsiúla a chur i gcrích.



- Taithí ar bheith ag obair le heagraíochtaí móra nó casta, nó ar mhaoirseacht a dhéanamh orthu.

## **PRÍOMHINNIÚLACHTAÍ MAIDIR LE FEIDHMÍOCHT ÉIFEACTACH AG AN nGRÁD SEO**

Ní mór d'iarrthóirí a léiriú, trí thagairt a dhéanamh d'éachtaí sonracha atá déanta acu ina ngairm bheatha go dtí seo, go bhfuil na cáilíochtaí, na scileanna agus an t-eolas seo a leanas acu atá riachtanach don ról mar Bhainisteoir Sinsearach Rialála (Airgeadas).

### **Scileanna Idirphearsanta & Cumarsáide**

- Forbraíonn agus cothaíonn sé/sí caidreamh oibre dearfach, táirgiúil agus tairbheach
- Cuireann sé/sí eolas i láthair go soiléir, go gonta agus go muiníneach trí scríobh trí labhairt le páirtithe leasmhara inmheánacha agus seachtracha.
- Bíonn tionchar aige/aici go héifeachtach ar dhaoine eile chun beart a dhéanamh.

### **Bainistíocht agus Baint Amach Torthaí**

- Bainistíonn agus spreagann sé/sí an fhoireann chun daoine aonair a fhorbairt agus chun feidhmíocht a uasmhéadú
- Forbraíonn sé/sí pleananna oibriúcháin agus foirne
- Obair agus acmhainní a phleanáil agus tús áite a thabhairt dóibh go héifeachtach laistigh den fhoireann
- Sainiúnn sé/sí réimsí atá le feabhsú go réamhghníomhach agus forbraíonn sé/sí réitigh phraiticiúla lena gcur i bhfeidhm.

### **Breithiúnas, Anailísiú agus Cinnteoireacht**

- Déanann sé/sí cinntí tráthúla eolasacha éifeachtacha agus léiríonn sé/sí breithiúnas maith agus cothromaíocht agus cinntí nó moltaí á ndéanamh aige/aici.
- Bailíonn sí/sé agus anailísíonn sé/sí eolas ó fhoinsí ábhartha, cibé acu eolas airgeadais, eolas uimhriúil, nó eile, agus réimse tosca criticiúla á mheas.
- Cuireann sé/sí ceisteanna níos leithne, cláir, íogaireachtaí, agus impleachtaí gaolmhara ar bith san áireamh agus cinntí á ndéanamh aige/aici.



## Saineolas

Ardleibhéal inniúlachta agus taithí ar rialáil, iniúchóireacht, cigireacht, airgeadas, imscrúdú, forfheidhmiú nó comhlíonadh.

## SCÁLA PÁ

Scála Oifigigh Shinsearaigh Foirne (Ranníocaíocht Pinsin Phearsanta) amhail an 1 Feabhra 2026

€60,611 – €62,095 – €63,826 – €65,563 – €67,300 – €68,852 – €70,442 – €71,982 – €73,518 – €76,149(BFS1) – €78,795 (BFS2)

## Nóta Tábhachtach

Ceapfar iontrálaithe nua ar an gcéad phointe den scála ar aon dul le beartas an rialtais. D'fhéadfadh téarmaí agus coinníollacha éagsúla a bheith infheidhme go díreach roimh an gceapachán, más státseirbhíseach/seirbhíseach poiblí ar seirbhís é/í an t-iarrthóir rathúil.

## Incháilitheacht chun dul san iomaíocht

Ní mór d'iarrthóirí incháilithe a bheith:

- Saoránach den Limistéar Eorpach Eacnamaíoch. Tá an LEE comhdhéanta de Bhallstáit an Aontais Eorpaigh, an Íoslainn, Lichtinstéin agus an Iorua; nó
- Saoránach den Ríocht Aontaithe (RA); nó
- Saoránach den Eilvéis de bhun an chomhaontaithe idir an tAontas agus an Eilvéis maidir le saorghluaiseacht daoine; nó
- Saoránach neamh-LEE a bhfuil víosa stampa 4 aige nó aici: nó
- Duine dár dámhadh cosaint idirnáisiúnta faoin Acht um Chosaint Idirnáisiúnta 2015, nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó aici; nó
- Saoránach neamh-LEE ar tuismitheoir linbh chleithiúnaigh é nó í ar saoránach de chuid bhallstát LEE é nó í, agus a chónaíonn i mballstát LEE nó san Eilvéis agus a bhfuil víosa stampa 4 aige nó aici

## OBAIR CHUMAISC



Tá ÚRCTC tiomanta do sheachadadh den scoth maidir lenár réimse leathan seirbhísí agus do cháilíocht ár seirbhís do chustaiméirí. Sa chomhthéacs seo, tá beartas oibre cumaisc curtha i bhfeidhm ag ÚRCTC agus ár dtiomantas á choinneáil againn do sheachadadh seirbhísí ar an gcaighdeán is airde. Tá gach fostaí i dteideal iarratas a dhéanamh ar obair chumaisc a mhéid le cianoibriú 40% sa tréimhse phromhaidh agus 60% tar éis go n-éireoidh leo an promhadh a chur i gcrích go rathúil.

## **UAIREANTA FREASTAIL**

Is iad na gnáthuaireanta gnó don ÚRCTC ná 9in go 5rn, ó Dé Luain go Dé hAoine.

## **SAOIRE BHLIANTÚIL**

Is é 25 lá an tsaoire bhliantúil don ról seo, a mhéadófar le himeacht ama ag brath ar sheirbhís. Tá sé sin bunaithe ar sheachtain cúig lá agus níl laethanta saoire poiblí reachtúla san áireamh ann.

## **SOCHAIR EILE MAIDIR LE BHEITH AG OIBRE DON ÚRCTC**

- Post buan inphinsin
- Uaireanta oibre solúbtha laistigh de theorainneacha sainithe
- Saoire bhliantúil 25 lá a mhéadófar le himeacht ama ag brath ar sheirbhís.
- Tuarastal earnála poiblí agus ardú pá ar bhonn incriminteach ag baint leis (scála Ghrád 7)
- Deiseanna forbartha pearsanta trí oideachas acadúil atá urraithe ag an bhfostóir, saoirí staidéir íoctha agus cláir oiliúna agus forbartha inmheánacha
- Timpeallacht oibre dhinimiciúil agus idirghníomhach
- Deiseanna dul chun cinn gairme
- Éascú ticéad taistil Coigiltis Cánach agus Scéim um Rothaíocht chun na hOibre
- Páirceáil ar an láthair le haghaidh rothar
- Oifig nua-aimseartha i lár na cathrach, suite in aice le Cearnóg Mhuirfean, Baile Átha Cliath 2, atá inrochtana go héasca ar an DART, agus go leor bealaí bus



## **AOISLIÚNTAS, SCOR & SEIRBHÍSIGH PHOIBLÍ ROIMHE SIN**

Braitheann an aois íosta ag a mbeidh pinsean iníoctha ar rialacha na scéime pinsin is infheidhme.

**Aois Scoir:** cinnfear é i gcomhréir leis na ciorcláin ábhartha ranna rialtais.

## **AN PRÓISEAS ROGHNAITHE**

### **Conas Iarratas a Dhéanamh**

Comhlánaigh an fhoirm iarratais ina hiomláine agus cuir isteach í tríd an tairseach iarratais ar líne [an tÚdarás Rialála Comhlachtaí Tithíochta Ceadaithe](http://an.tudaras.riialala.comhlachtaí.tithíochta.ceadaithe) ([ahbrajobs.com](http://ahbrajobs.com)) faoin 3 Meitheamh 2026 ag 12in. Tacaíonn Sigmar Ltd le clár earcaíochta agus iarratais ÚRCTC Dícháileofar iarratasóirí go huathoibríoch má dhéanann siad canbhasáil nó má dhéantar canbhasáil ar a son. Ba chóir aon cheisteanna a threorú chuig [ahbrajobs@sigmar.ie](mailto:ahbrajobs@sigmar.ie).

### **D'fhéadfadh an méid seo a leanas a bheith i gceist leis an bPróiseas Roghnaithe:**

- Triail infheidhmeachta
- Eolas Teicniúil nó cleachtadh bunaithe ar scileanna
- Iarrthóirí a ghearrliostú bunaithe ar an eolas atá ina bhfoirm iarratais
- Agallamh tosaigh/réamhagallamh
- Cur i láthair nó cleachtaí eile
- Agallamh iomaíoch deiridh
- Aon tástáil nó cleachtadh eile a mheastar a bheith iomchuí

Ina theannta sin, ní mór d'iarratasóir a n-éiríonn leis/léi a bheith ceart go leor de réir leighis chun dul i mbun an cheapacháin.

Seolfaidh ÚRCTC próiseas gearrliostaithe. Sa phróiseas sin, roghnófar roinnt iarrthóirí lena gcur faoi agallamh ar iarrthóirí iad, bunaithe ar scrúdú a dhéanamh ar na foirmeacha iarratais ar dócha gur iad na hiarrthóirí is oiriúnaí don phost. Scrúdóidh bord saineolaithe na foirmeacha iarratais i gcoinne critéir réamhchinnte bunaithe ar riachtanais an phoist. Ní hionann sin agus a rá go bhfuil iarrthóirí eile mí-oiriúnach nó éagumasach chun tabhairt faoin bpost, ach seachas sin go bhfuil roinnt iarrthóirí ann ar cosúil go bhfuil cáilíochtaí níos fearr acu agus/nó go bhfuil taithí ábhartha níos fearr acu, bunaithe ar a n-iarratas. Is ar mhaithe leat féin atá sé mar sin cuntas mionsonraithe cruinn a thabhairt ar do cháilíochtaí/taithí ar an bhfoirm iarratais.

Má dhiúltaíonn duine dá ndéantar tairiscint dó/di, nó má dhiúltaíonn sé/sí é tar éis dó/di an post a ghlacadh, nó má thagann aon fholúntas breise chun cinn, féadfaidh



ÚRCTC, dá rogha féin, iarratasóirí ón bpróiseas seo a mheas lena gceapadh chuig aon fholúntas comparáideach eile laistigh de thréimhse dhá mhí déag.

Tá ÚRCTC tiomanta do bheartas comhdheise.

## DÁTA DEIRIDH

Ní mór d'iarratas a chur isteach tríd an tairseach iarratais ar líne [An tÚdarás Rialála Comhlachtaí Tithíochta Ceadaithe \(ahbrajobs.com\)](https://www.ahbrajobs.com) faoi 12in ar an 3 Meitheamh 2026.

Mura bhfaigheann tú admháil go bhfuarthas d'iarratas laistigh de 24 uair an chloig ón iarratas a chur isteach, téigh i teagmháil le [ahbrajobs@sigmar.ie](mailto:ahbrajobs@sigmar.ie).

Eiseofar nuashonruithe feachtais chuig do sheoladh ríomhphoist cláraithe, mar a iontráladh é ar an tairseach iarratais ar líne.

Moltar duit do ríomhphoist a sheiceáil ar bhonn rialta le linn an chomórtais agus tú a bheith cinnte, ina dteannta sin go seiceálann tú fillteáin dramhaíola/turscair más trí dhearmad a dhéantar aon ríomhphost a scagadh.

## NA hACHTANNA UM CHOSAINT SONRAÍ, 1988, 2003 AGUS 2018

Soláthraíonn Sigmar Recruitment Ltd., ina cháil mar Phróiseálaí Sonraí, seirbhís earcaíochta thar ceann an Údaráis Rialála Comhlachtaí Tithíochta Ceadaithe (ÚRCTC), an Rialaitheoir Sonraí. Cruthóidh Sigmar taifead i d'ainm, ina mbeidh faisnéise phearsanta a sholáthair tú. Ní úsáidtear an taifead sin ach chun d'iarrthóireacht a bhreithniú agus a mheas amháin, agus má éiríonn leat, cuirfear do chuid son sonraí pearsanta ar aghaidh chuig ÚRCTC. Tá próiseáil sonraí pearsanta faoi réir na gcearta agus na n-oibleagáidí atá leagtha amach sna hAchtanna um Chosaint Sonraí 1988-2013 agus sa Rialachán Ginearálta maidir le Cosaint Sonraí (RGCS).

Faoin RGCS, tá ábhair shonraí a bpróiseálann ÚRCTC a gcuid sonraí i dteideal cearta áirithe a fheidhmiú maidir lena sonraí pearsanta. Is féidir leat iarratas a dhéanamh chun aon cheann de na cearta sin a fheidhmiú saor in aisce trí theagmháil a dhéanamh leis an OCS ag [dpo@ahbregulator.ie](mailto:dpo@ahbregulator.ie). Chun tuilleadh eolais a fháil faoin dóigh a bpróiseálann ÚRCTC sonraí pearsanta, féach ar ár Ráiteas Príobháideachais le do thoil: <https://www.ahbregulator.ie/legal-compliance/privacy-statement/>

Chun tuilleadh eolais a fháil faoin dóigh a bpróiseálann Sigmar do chuid sonraí pearsanta, athbhreithnigh an Ráiteas Príobháideachais le do thoil: <https://www.sigmarrecruitment.com/privacy-statement>.

Mura bhfuil tú sásta le láimhseáil iarratais ar Chosaint Sonraí a dhéanann tú le ÚRCTC, nó má chreideann tú go bhfuiltear ag teip ar ÚRCTC maidir lena chuid oibleagáidí um chosaint sonraí, déan teagmháil le OCS ÚRCTC le do thoil.

Tabhair do d'aire go bhfuil an ceart agat freisin gearán a dhéanamh leis an gCoimisinéir Cosanta Sonraí: <https://forms.dataprotection.ie/contact>.